

ad æternitatis memoriam, quasi virutis ara. Certe ossa humana hic sæpius effossa fuerunt, & pagus qui adjacet ad *Avenam*, *Ambresbury*, id est, *Ambrosii vicus* dicitur, ubi antiquos quosdam Reges fitos esse historia Britannica docet, & Eulogium ibi trecentorum monachorum cœnobium fuisse refert, quod nescio quis barbarus Gurmundus diripuit. Eo loci postea Alfritha Eadgari Regis uxor, ut facinus in perimendo privigno Edwardo Rege, pœnitentia, & pio aliquo opere expiaret, ædem superbam Monialibus construxit & dotavit, in quo Æleonora vidua Regis Henrici Tertii regia pompa renunciata, inter sacras virgines se Deo dicavit. Ambrosius Aurelianus, qui nomen loco fecit, Romano imperio jam prope confecto, purpuram, ut P. Diaconus testatur, in Britannia induit, patriæ labenti suppetias tulit, & bellicosi Arthuri opera hostium impetus repressit, exercitus maximos, ex animosis Germaniæ populis conflatos delevit; & tandem collatis in hac planitie signis, animam patriæ reddidit. Cum vero Gildas, & Beda hujus parentes, purpura indutos occisosque scribant, illum e Constantini illius genere fuisse, qui Theodosio Juniore IIII Cos. in Britannia spe nominis Imperator designatus, & postea Arelati interemptus fuerat, cur non asseveranter affirmarim? Ab *Ambresbury* cis *Avenam* vix ad quartum lapidem est Leporarium vulgo *Everlie VVarren*, ubi maximus leporum proventus, quorum venatu nobiles vicini recreantur; sed non tantus, ut militare auxilium adversus eos petant accolæ, quod Balearicos fecisse apud Plinium legimus, licet messibus itidem sint infesti, vicinumque huic *Lutbgershall*, ubi olim castrum Galfredi *Fitz-Petri* Iustitiiarii Angliæ & Comitissæ *Essexiæ* opulentissimi. Non multo superius *VVolfhall* fuerunt ædes familiæ claræ *Seimor*, sive de *S. Mauro* qui amplam in hoc tractu hæreditatem *Esurmiorum* nuptiis adierunt. Hi in clypeo argenteo tres leones rubros dimidiatos gestarunt, & ab Henrici Secundi temporibus *Forresta de Savernac*, quæ adjacet copiosa venatione, & filice gratissimi odoris celebris, hæreditario jure *Ballivi*, & *Guardiani* erant. In cujus memoriam Cornu eorum venatorium, magnum illud quidem & argento ornatum à *Seimoris* etiamnum servatur.

Paulo magis ad Ortum Cunetio flumen Saxonice *Cynetan*, vulgo *Kennet* oritur juxta ejusdem nominis viculum, quem aliqui CVNETIONEM, ab Antonino memoratum volunt, sed distantia utrinque reclamat. Hic *Selbury* collis rotundus & in fastigium editus surgit, qui hominum labore aggestus cum ex ipsius forma, & terræ subsidentis facie videatur. Cujusmodi multi in hoc tractu rotundi & fastigiati cernuntur, & *Burrowes* & *Barrowes* vocant, in occisorum militum memoriam forte excitati. Ossa enim in illis reperiuntur, & legi in usu fuisse Septentrionalibus, ut singuli milites prælio superstites tantum terræ quantum casside capere poterant, in occisorum tumulos aggererent. Etsi hunc *Selbury* instar limitis potius positum opiner, si non à Romanis, certe à Saxonibus, perinde ac fossa illa *VVodensdik*, cum de limitibus inter Mercios & Saxones occiduos in hoc agro sæpius decertatum, & ejusmodi tumulos pro limitibus aggestos fuisse Boëtius,

& Gromatici scriptores commemorarunt. Decurrit hic fluvius primo per campos è quibus saxa uti rupes passim eminent, unde viculus ibi *Rockley* dicitur, inter quas emergit nonnunquam ex improvise aqua torrentis in modum, quæ quasi futuræ famis prænuncia *Hungerborn* rusticis vocatur. Inde Cunetio sui nominis urbem invisit, quæ CVNETIO Antonino dicitur, & ad xx à Verlucione milliare locatur. Ad quam distantiam huic flumini Cunetioni antiqua illa urbs novo nomine *Marleborow*, olim *Marleberge* in collis declivi ab ortu in occasum protenditur: An hoc recentius factum fuerit nomen à Marga, quam *Marle* nostra lingua dicimus, & ad agros stercoreandos utimur, non facile dixerim. Certe subjacet colli ex calce albicanti, quam majores nostri antequam hoc nomen *Chalck*, à calce Latinorum sunt mutuati, *Marle* dixerunt. Risu vero excipienda est illa à Merlini tumulo ducta notatio, quam hoc disticho in suo de Divinæ sapientiæ libro procudit Alexander Nechamus,

*Merlini tumulus tibi Merlebrigia nomen
Fecit testis erit Anglica lingua mihi.*

Cunetionis hujus, una cum nomine fatum, fortunaque cum antiquitatis memoria à Saxonum ingressu ad Normannicum usque seculum periit, interposito enim tempore ne nomen quidem usquam in nostris historiis occurrit. Insequenti vero sæculo legimus Ioannem cognomento *Sine terra*, qui postea Rex Angliæ, hic castrum habuisse, quod cum ille à fratre Richardo Primo defecisset, Hubertus Cantuariensis Archiepiscopus expugnavit. Quodque postea celebratissimum fuit, frequenti omnium totius Angliæ Ordinum conventu, qui conjunctis sententiis ad tumultus sedandos legem tulerunt, quæ Statutum de *Marleborow*, vulgo vocatur. Nunc autem tempore devictum, nihil aliud plane est, quam rudetum; pauculæ sane intra fossam supersunt mœnium reliquæ, & diversorium adjunctum pro castro inter signum castris præterdit. Incolæ vero nihil magis ostentant quam in proxima Ecclesia ad *Presbut* Baptisterium, ex obsidiano, ut videtur, lapide, in quo nescio quos principes olim baptismo Christo renatos fuisse perhibent. Nec tacendum sane quod legi, quemlibet Burgensem hic admiffum duos canes leporarios, duos capos candidos, taurumque candidum veteri instituto *Majori* exhibere solere.

Eidem flumini etiam eadem ripa adjacet *Ramesbury* pratorum amœnitate nunc tantum commendatus viculus, olim Episcoporum cathedra celebratus, qui huic agro præfuerunt, sed cathedra illa Shirburnensi ab Hermanno octavo Episcopo conjuncta, demum, ut dixi, Sarisburiam translata, omnem secum famam hinc una transtulit, quoniam apud *Ramesberiam* nec Clericorum erat conventus, nec erat quo sustentaretur. Ex altera ripa magis ad Ortum *Littlecot* cernitur, quæ memoranda ob suum Dominum Ioannem *Popham*, qui summus in tribunali Regio Iudex justitiæ officiiis, summa cum laude fungitur, ut jam dixi.

Huc usque Wiltoniensem agrum perlustravimus, qui ut est in Angliæ Notitia (nec adnotare pigebit) *reddebat Regi decem libras pro accipitre, viginti solidos pro sumario, pro sceno centum solidos, & oras quinque.* Quod vel quale numi genus *Ora* illa fuerit,

Ambresbury.

Ambrosius Aurelianus.

Leporarium.

Wolfhall.
Estormy
five Sturmy.
Savernac
Forrest.

Barrowes
& Burrowes.
Tumuli.

In Geometria.

Rockley.

Hungerborn, id est famis rivulus.
Cunetio oppidum.

Marleborow.

Ramesbury.

Guilielm. Malmes. de Episcopis.

Littlecot.

Ora quidrit.